



Ve che, us lassìn cun la soluzion de Conte misteriose numar 14, che e je ancje la penultime conte dal nestri Garzon. Di fat, dopo vêlu metût a lavorâ di cuant che o vin tornât a vierzi la Ostarie, al è just che ancje lui al cjapi un pocjîs di ferîis.

Soluzion

Autôr: *Amedeo Giacomini*

Titul originâl: *Il ragazzo del Tagliamento*

Tradutor dal originâl: *il Garzon*

Titul par talian:

Notis:

Une vere sorprese la prose e i contignûts! Une fortune la sô publicazion. Centrât l'obietîf di rapresentâ, daûr dal jo che al conte, tancj zovins "di paîs" plens di talent cjapâts dentry tal confront cu la citât e i studis, leteraris, ben si intint, metûts su plans esistenziâi e cognitîfs cussì distants - chel de citât e chel dai paîs - di someâ fintremai contraris e che, duncje, a compuartin o une dolorose dialettiche par rivâ a tignî adun i cjaveçs opuescj o ben rinunziis che ti slambrin o pûr, piês ancjemò, prime une e dopo chês altris. Lis dôs riis che a sierin la storie, intun *crescendo* "agri", a gjavin il respîr e no si pues svuincâ la comozion. Un libri emblematic e atuâl. Ae altece di *Keep the Aspidistra flying* di Orwell. Pal Friûl e pai furlans,

salacor, miôr di ciert Pasolini.

Pecjât che Medeo no lu vedi scrit par furlan.